

uilla, & alijs cœterarum domorum Ordinis huiusmodi Ecclesijs sepeliri debent, deferentur, interdiceret, ac de seipso statueret, & ordinaret, prout de iure foret faciendum.

Instituerat per alias litteras Episcopi Parisiensem, & Archiepiscopi Thuronensis, Commissarios pro exequendis litteris, &c.

§. 2. Et deinde pro parte dilecti filij Francisci de Paula, dicti Ordinis Institutoris nobis exposito, quod fratres Ordinis Minorum potētiam plurimum formidabant. Nos per alias nostras in forma Breuis litteras præfato Parisiensi Episcopo, ac venerab. F. Archiepiscopo Thuronensi, ac dilecto filio Abbati Monasterij S. Saturnini Tholozanæ Diocesis commissimus, ac dedimus in mandatis, quatenus in præmissis eidem fratribus assisterent, & ad executionem prædictorum, & aliarum quarumcumque litterarum, dicto Ordini per Sedem Apostolicam, aut alias quomodolibet concessarum, & in posterum concedendarum, in quocumque loco, & Diocesi opus foret, ac quoties pro parte Francisci, & aliorum fratrum prædictorum, ac quorumcumque Superiorum, & Correctorum domorum, ac locorum dicti Ordinis requisiti fuissent, procederent, ac Decanum, & Capitulum, necnon Rectorem præfatum, & alios quoscumque priuilegiorum Ordinis Minorum huiusmodi transgressores, vbi cumque pro tempore degentes, etiam extra prædictam, & quacumque Dioceses, & Prouincias, quoties opus foret, coram eis euocari facerent, & per censuras ecclesiasticas, & alia iuris remedia compellerent, & compescerent, inuocato etiam ad id, si opus foret, auxilio brachij secularis, & sententias, ac censuras ipsas aggravarent, & reagg. rauerent, & alia necessaria, & opportuna facere curarent, alijs iuxta dictarum litterarum continentiam, & tenorem in omnibus, & per omnia, perinde ac si hæ prædictæ a principio eorum cuiuslibet directæ fuissent, ipsique in illis Conseruatores specialiter deputati fuissent, prout in singulis litteris prædictis plenius continetur.

Præfata, quæ non sunt confirmata à Generali, vel Capitulo generali, non valent.

§. 3. Cum autem, sicut præfatus Franciscus de Paula nobis exponi fecit, tunc Prouincialis, & fratres dictæ domus de Abbatissuilla, seu aliqui ex eis cum Decano, & Capitulo præfatis super tumulandis corporibus defunctorum huiusmodi ad certam concordiam, seu transactionem deuenirent, per quam inter alia uoluerunt, quod processus præmissorum occasione eatenus facti, & qui in posterum fierent, nullius essent roboris, & momenti; Quodq; ex tunc de cœtero corporum, qui apud Ecclesiam dictæ domus de Abbatissuilla eligerent sepulturam, ad dictam Ecclesiam S. Vlfrani cum luminaribus deferri, & inibi duabus missis celebratis, & luminaribus, cum alijs funeralibus, iuribus, & obuentiombus eidem Decano, & Capitulo relicti, ad Ecclesiã domus de Abbatissuilla huiusmodi portari deberent, prout in quodam instrumentum publico de super confectio dicitur plenius contineri. Et quia concordia, & transactio per Prouincialem, & fratres præfatos factæ huiusmodi, contra tenorem priuilegiorum eidem Ordini concessorum, & absque licentia, & consensu præfati Francisci dicti Ordinis generalis Correctoris, per Sedem prædictam deputati, sine cuius licentia illa fieri non poterant, & in maximum dicti Ordinis præiudicium factæ fuerunt. Idem Franciscus generalis Corrector nobis humiliter supplicari fecit, concordiam, & transactionem supra dictas, ac sententiam cuiuscumque iudicis secularis super præmissis pro Decano, & Capitulo, & contra fratres dictæ domus de Abbatissuilla latam, nullas, nulliusque roboris, vel momenti fuisse, & esse declarare, aliãque in præmissis opportune providere de benignitate Apostolica dignaremur. Nos igitur huiusmodi supplicationibus inclinati, vobis, & vestrum cuiuslibet præsentium tenore mandamus, quatenus concordiam, & transactionem, ac prædictas, & quacumque alias, per quoscumque iudices seculares super tuncralibus, & quartis, & alijs contra prædictam de Abbatissuilla, & alias dicti Ordinis domos, & illarum fratres hætenus latas, & in posterum ferendas sententias, nullas fuisse, & esse auctoritate nostra declaratis, & prout de facto processerit, cassatis, & annullatis, ac eidem Francisco, & fratribus assistendo, priuilegia dicto Ordini concessa obseruare faciatis. Quodq; quacumque conuentiones, per quoscumque dicti Ordinis Prouinciales, & Vicarios generales, speciales, ac quoscumque alios fratres, seu eorum Procuratores, vbi cumque, & quomodocumque, & sub quibuscumque clausulis, & formis factas, concordatas, transactas, & expeditas, quæ per præfatum Franciscum, vel successores suos dicti Ordinis generales Correctores, seu Capitulum generale dicti Ordinis acceptatæ, confirmatæ, & generalitate non fuerint, nullius esse roboris, & momenti declaretis, & prout de iure fuerit faciendum.

§. 4. Et pro manutenuenda, & seruanda Regula dicti Ordinis, in qua expressè inhibetur, ne fratres ipsi ultra quinquaginta annos particularia quacumque suffragia in dicto Ordine accipient, & suscipiant, vt particularia quorumcumque dicti Ordinis Fundatorum, & Fundatricum, ad quæ ipsi obligantur, suffragia huiusmodi sub omnium dicti Ordinis suffragiorum, & bonorum generalitate suscipere, & acceptare, singulique priuilegijs, gratijs, & indulgijs omnibus, quatuor mendicantibus Ordinibus, & eorum cuiuslibet per Sedem prædictam concessis, seu alias quomodolibet concedendis, & etiam Ordini prædicto iam concessio, & confirmato priuilegio confessiones audiendi, iuxta illius formam, & tenorem, vbius frui, vt, & gaudere valeant.

§. 5. Quodque dicti Ordinis domorum Fundatores, Fundatrices, Procuratores, & Procuratrices, Tutores, & Tutrices, eorumque vtriusque sexus liberi, necnon dicti Ordinis Conseruatores præfentes, & futuri, omnium, & singulorum ipsorum ieiuniorum, orationum, & sacrificiorum, ac quorumcumque aliorum bonorum, in toto huiusmodi Ordine Minorum de cœtero faciendorum, & recitandorum participes forent, & illis communicata sint, & esse debeant.

Quomodo fratres possint se obligare ad suffragia, quod statuitur priuilegijs Mendicantium concedendis, &c.

Personæ, quæ priuilegijs Ordinis gaudent. Vide bene Cap. R. 7. sels. 9. Statuit, quod solum illie Fundaticum, non filie filiarum Monasteria nostra ingreditur.